

FAKKEL-FLITSE

Weeklikse nuusflitse vir 'n ingeligte Framesby-familie!



UITGawe 242 · 6 AUGUSTUS 2021

Kontakbesonderhede: mediasentrum@framesby.co.za

FRAMESBY KAFETERIA

OOP 16 AUGUSTUS 2021

PLATTERS

ONTBYT

MIDDAGETES

FAMILIEFEES OPSIES

SMAAKLIKE WEGNEEMETES

KOFFIE- EN KOEK KOMBINASIES

HIERDIE WEEK SE FAKKEL-FLITSE WORD MET TROTS GEBORG DEUR:
SUNRIDGE VILLAGE



Centre Management:
041 360 9442



Kragga Kamma Road,
Sunridge Park



GENERATED POWER 24/7

TENNIS NUUS:



Leila Nel en Keaton Holm is gekies om Tennis Oos-Kaap teen die Wes-Kaap te verteenwoordig . Hulle neem vanaf die 24ste tot 26ste September deel.

Leila is vir die 0/19 Oos-Kaap Damesspan gekies, terwyl Keaton, wat eintlik 0/16 is, vir die 0/19 seuns Olifantespan gekies is.

Baie geluk aan beide hierdie leerders met hulle verkiesing tot die onderskeie spanne.

WIE IS EMPICT GROUP?



Die Empact Group is in beheer van Framesby se kafeteria. Empact spog met meer as 30 jaar ondervinding in dié bedryf. Hulle is betrokke by die volgende skole: Pretoria Boys High School for Boys Tuckshop, St Johns College Tuckshop, Uplands College Tuckshop, St Stithians College Cafe, Southdowns College Tuckshop, Penryn College Tuckshop, St Andrews School for Girls Tuckshop, Pecanwood College Tuckshop, Uplands Prep Tuckshop, St Albans Café en Grey High School (koshuis).

Wat maak ons jou eerste keuse? Ons neem jou op 'n passievolle voedselreis deur ons verskeidenheid en ons uitmuntende diens. Kos is ons kuns – van fynproewer-etes tot koöperatiewe eetkamers, van wegneemetes tot oestafels, 'n gebalanseerde maaltyd of smaaklike lekkernye. Ons is trots op ons gevareerde spyskaarte, wêreldklas diens en maaltye wat met die varsste bestanddele voorberei word. Of dit nou 'n middagmaal of in toebroodjie of 'n slukkie koffie is, jy sal ons bekroonde resepte geniet.

BUITEMUURS:

Die volle buitemuursse sport- en kultuurprogram begin amptelik Dinsdag, 10 Augustus 2021.

Behalwe in enkele unieke situasies, is daar geen matrieks by die buitemuursse program betrokke. Sodoende kan hulle alle aandag aan die akademie gee.

Kultuur: Buitemuurs gaan voort met al die covid-maatreëls soos in kwartaal 2.

Sport: Elke sportkode sal vroegtydig aan die leerders op hul groepe kommunikeer watter dae en tye hulle sal oefen. Daar kan moontlik oorvleuelings tussen Somer- en Wintersport wees. Die leerders wat hierdeur geraak word, moet net met die betrokke afrigters kontak maak. Ons sit in 'n unieke tyd van die kwartaal wat Winter- en Somersporte betref. Almal moet asb. hande vat vir die volgende maand en 'n half om dit te laat werk. Alle Covid regulasies sal by die oefening gevolg word. Die veiligheid van almal bly prioriteit. Leerders wat siek, voel moet tuis bly. Leerders wat nie gemaklik voel om op die stadium deel te neem nie sal nie gedwing word nie. Daar is wedstryde wat teen ander skole sal plaasvind. Hieroor sal so spoedig moontlik inligting gegee word.

Enige navrae rondom die buitemuurs kan aan meneer Christo Scriven by cscriven@framesby.co.za gerig word.



FRAMESBY OUDSKOLIERE



ONS GEELS MET: MARIETA KEMP (NEÉ DEKKER)



Marieta Dekker

My hoëskooljare aan Framesby was 'n reis wat ek altyd sal koester. Toe ek in 1969 in st. 6 (graad 8) daar instap, het ek niemand geken nie. Ek was nie in dié omgewing op laerskool nie. Gelukkig het Framesby toe nog net vier standerds gehad, nl. graad 8 tot graad 11. So almal het min of meer almal geken. Dit het ons ook gedwing om aan soveel moontlik aktiwiteite deel te neem - "om die getalle vol te maak".

Ons jaargroep was ook nog tweetalig, wat sy eie unieke atmosfeer geskep het. Ons was in die bevoordele posisie dat ons help bou het aan 'n jong skool se tradisie, prestasies en uitnemendheid. Vir my was groot hoogtepunte toe ek in graad 11 as Framesby se eerste OP netbalspeler gekies is en ook toe ek en Hans Wiehahn as wenners van die Oos - Kaap skole se redenaarskompetisie aangewys is.


My matriekjaar in 1973, waar ek ook tot hoofdogter verkies is, was 'n besondere jaar van eerstes vir die skool. Ons het die eerste keer die interprovinsiale - atletiekbeker (teen Hoëskool Pearson), -Koorkompetisie (teen Hoëskool Andrew Rabie) en die netbalbeker (teen Hoëskool Cillié) gewen. Dit was ook 'n jaar waar verskeie leerlinge op akademiese- en kultuurgebied presteer het. Eksell het die OP as een van ses leerlinge uit SA die Landsdiens in die destydse Rhodesië verteenwoordig.

Die grondslag is gelê deur toegewyde en bekwame leermeesters. Mnr Dirk Visser, ons skoolhoof, was 'n inspirasie – nie net op akademiese gebied nie, maar ook langs die sportvelde. Diep spore is deur o.a. mnr Rautenbach, Buitendag, Koornhof, Vermaak, Van Wyk, Terblanche, me. Juanita Lamprecht, van Dyk, Olivier, Lil Visser en nog soveel ander getrap. Die vriendskappe wat oor hierdie vyf jaar gesmee is, was opreg en verrykend. Met ons reünie in 2013, het 40 jaar se afstand soos mis voor die son verdwyn.

Ek het na skool my BA-, Honneurs- en MA- grade in Maatskaplike Werk aan die UPE (NMU) voltooi. 'n Groepie van ons oud-Framesby skoliere het die "FRALUMNI" vir alma maters gestig. Ek is egter nie seker of dit steeds bestaan nie. My eerste maatskaplike pos was by die ACVV in Port Elizabeth. Ons het in 1986 na Pretoria verhuis. Ek was 34 jaar lank die Direkteur van Maatskaplike Dienste by die SAVF en het ook op verskeie departementele en nasionale forums, asook die SA Raad vir Maatskaplike Diensprofessies gedien. Ek het aan die einde van September 2020 afgetree. Ek het 'n boekie, genaamd "NRO's is ontwikkel om te misluk/ NGOs are built to fail" saamgestel. Ek gaan dit binnekort bekendstel.

Ek is al 43 jaar lank getroud met Charles Kemp, het twee seuns en twee kleindogters, met 'n derde kleinkind wat op pad is.

Ek sal altyd dankbaar bly vir die enorme groot rol wat Hoëskool Framesby in my vormingsjare gespeel het. Mag die skool van krag tot krag gaan en nooit twyfel aan die waarde wat dit tot elke leerder se toekoms bydra nie.



REÜNIES 2021

Op die stadium word daar geen funksies a.g.v. Covid op ons skoolterrein gehou nie. Ons sal reünie-groepe egter op hoogte hou indien reëlings verander.

Ons vra intussen vir die volgende jaargroepe (1971, 1981, 1991, 2001 en 2011) om foto's en stories aan mnr. Rauch by wrauch@framesby.co.za te stuur.

Mnr. Rauch beoog om weer 'n gedenkblad vir die jare se reünie-groepe saam te stel. Ons vra ook dat die hoofleiers van elke jaargroep met hom sal kontak maak.



FRAMESBY OUDSKOLIERE (FOS)

Beste Oudskolier


Ons wil julle graag van gebeure rondom jul alma mater op hoogte hou. Om hierdie rede wil ons graag ons databasis op datum bring en vra dat alle oudskoliere asb. die volgende inligting na fos@framesby.co.za sal e-pos:

- NAAM EN VAN :
- NOOIENSVAN:
- ID-NOMMER:
- JAARTAL GEMATRIKULEER:
- ADRES:
- PROVINSIE:
- BEROEP:
- TELEFOON:
- SELFOON NOMMER:
- E-POSADRES:



U inligting bly hoogs vertroulik.
Die rede hoekom ons u ID nommer benodig is om te verhoed dat ons duplike op ons sisteem stoor.

UIT DIE ARGIEWE:



Só lyk die spogskool, Hoërskool Framesby, wat vanaand amptelik ingewy word. Die inwydingspiegtigheid sal deur die Superintendent-generaal van Onderwys in Kaapland, dr. G. J. J. Smit, Waargeneem word. Die gebou is teen 'n koste van sowat R295 000 opgerig en het op die oomblik huisvesting vir 650 leerlinge. Die skool se leerlingtal staan op die somblik op 284.

Jongste skoolspruit van P.E. vanaand geopen

Een van Port Elizabeth se jongste en modernste skole, die spogskool Hoërskool Framesby, word vanaand deur dr. G. J. J. Smit, Superintendent-generaal van Onderwys in Kaapland, amptelik ingewy.

Die skool, wat teen 'n koste van sowat R295 000 opgerig is, bestaan uit 18 gewone klassikamers, 'n houtwerkamer, 'n huishoudkundekamer, 'n naaldwerkamer, 'n kunskamer, 'n musiekamer, 'n tikkamer, 'n biblioteek en laboratoria vir biologie en wetenskap.

'n Deel van die skoolgebou is op 19 Januarie 1966 vir die eerste keer in gebruik geneem. Nog net die grondverdieping van die gebou en die administratiewe deel was destyds voltooi.

Die 118 leerlinge en negre onderwysers en onderwysesersse wat toe hul intrek in vyf voltooide klassikamers geneem het, moes maar tweede wese om tot aan die einde van Junie verlede jaar, te middie van die bouery, aan die res van die gebou, te werk.

Toe die skool in gebruik geneem is, was daar ook nog geen geriewe vir die praktiese onderrig in houtwerk of huishoudkunde beskikbaar nie. Dit het egter geen onoorlooflike probleme geskep nie, want die leerlinge het toe maar met die teoretiese werk aangegaan tot tyd en wyl die res van die gebou voltooi is.

Al die praktiese vakkamers beskik op die oomblik oor die moderneste geriewe.

Die skool wat op die oomblik aan 650 leerlinge huisves-

ting kan bied, het vanjaar 'n leerlingtal van 284. Hulle is almal standerd VI- en VII-leerlinge, aangesien die skool vorige jaar net met st. VI-leerlinge begin het en met hulle

as senior klas sal voortgaan jaar sowat 50 persent elk totdat hulle in matriek kom.

Die huidige standerd VII-klas sal dus die voorreg hé om reg deur hul hoëskoolloopbaan die senior klas in die

Wit die skoolterrein betref,

beskik die skool op die oomblik oor 6½ morg. 'n Verdere 2½ morg is reeds aan die skool toegestaan.



skool te wesen. Die skool se leerlingtal sal elke jaar aansienlike styg omdat die skool elke jaar een standerd meer sal aanbied.

Net 10 van die gewone klassikamers by die skool word op die oomblik gebruik.

Die skool wat sinteties net as 'n Afrikaansmedium-skool beplan is, funksioneer op die oomblik tydelik as 'n dubbeldoubleumskool. Die vershouding tussen Engels- en Afrikaans-sprekende leerlinge is van-

Die skoolhoof, mnr. D. J. Visser is hier in sy kantoor besig om 'n saalie of twee met die hoofseun en hoofmeisie van die skool, Johnny Bilsen en Christine de Kock, te bespreek.

„HANDHAAF EN BOU“

‘N PRAKTIEKE LEUSE VIR ‘N SKOOL — EN DIT IS PRESIES WAT ONS ONS TEN DOEL GESTEL HET TOE DIE OPRIGTING VAN HIERDIE PUIK SKOOL AAN ONS TOEVERTROU IS.

UIT DIE ARGIEWE:

MOOI KORREL!



Sport word nie hier afgeskeep

NA siega 'n jaar met net standerd 6-leerlinge, is dit eindelik dat die Hoëskool Framesby nog nie met uitmuntende sportprestasies sal kan spog nie. Toe word daar veel gedoen om sport by die skool te bevorder. Die skool bly al 'n indrukwekkende sportsoorte aan.

Rugby, atletiek, krieket, tennis, netbal, gimnastiek, en veldloop word alreeds deur die skool beoefen. Hokkie sal vanjaar ook by die lys gevog word.

Die onderhoof van die skool, mnr. J. Cawood, skryf die volgende oor die verskillende sportsoorte wat by die skool aangebied word:

RUGBY: Verlede jaar het die skool een span in die o-14-liga ingeskryf. Van die 14 wedstryde wat die span gespeel het, het hy 10 gewen. Hy het 285 punte aangeteken. Vanjaar is vier spans ingeskryf.

ATLETIEK: Daar is verlede jaar 'n klein begin gemaak met atletiek, maar vanjaar het die spannetjie hom deeglik laat geld. Afrigting geskied onder leiding van die gimnastiekonderywer, mnr. Cliff Hopkins, wat self 'n O.P.-atleet in die hoogtepeil van die skool se kleur-atle-

tekbyeenkoms vanjaar was Deon de Beer wat presteerde in die 100 tree vir seuns onder 13. Sy wentel was beter as die bestaande O.P.-rekord.

KRIEKET: Twee wedstryde is roeds gespeel. Die eerste, waaraan onderwyser ook deelgeneem het, was 'n proefwedstryd. Daarna is die skoolspan 'n oorwinning oor die Hoëskool D. P. Malherbe se o-14-span behaal.

TENNIS: Twee spanne is in die tennistliga vir skole ingeskryf. Die spanne speel onderskeidelik in die tweede en derde liga. Die skool se spanne maak kans van Sunridgepark se tennistbane gebruik.

NETBAL: Die skool het verlede jaar 'n tweede en 'n derde junior-netbalspan ingeskryf. Die twee spanne het baie goed presteer. Vanjaar is vier spans ingeskryf.

GIMNASTIEK: Benewens die formele skoolgimnastiek wat aangebied word, is 'n gimnastiekklub wat nie skolure osfen, gestig. Die klein groepje het die afgelope twee maande gereeld gesenf en lewer vanaand by die inwyding van die skool reeds 'n vertoning.

VELDLOOP: Die skool sal ook vanjaar met veldloop begin. 'n Span sal ingeskryf word.

Die jong Hoëskool Framesby beskik nog nie oor baie sportgeriewe nie, maar kan darem al met 'n pulk netbalspan spog. Hier, tydens 'n gimnastiekperiode maak Marietjie Visser gereed om die bal na die doelnet te gooi, terwyl haar maats en die gimnastiekonderywers, mnr. H. Ungerer, taekyk. Die ander meisies is Linda de Lange, Linda Peiser, Sandra Dalton, Estelle van Deventer, en Sylvia Poigtjister. Die meisies is almal in st. sen.



Mnr. J. Cawood, onderhoof van die Hoëskool Framesby, wat van die begin van hierdie kwartaal in die afwesigheid van mnr. D. J. Visser, as skoolhoof waarneem. Mnr. Visser neem op die oomblik langverlof van ses maande. Mnr. Cawood sal dus tot die einde van aanstaande kwartaal as skoolhoof waarneem.

SKOOL SE NAAM DALK 'PATRIOT'

DIE Hoëskool Framesby in Port Elizabeth sal dalk binnekort die „Hoëskool Die Patriot“ heet as die naam deur Port Elizabeth se skoolraad en die Provinciale Administrasie goedgekeur word.

'n Brief van die skoolkomitee van die betrokke skool, waarin gevra word dat die nuwe naam so gou moontlik goedgekeur moet word, word aan die skoolraad by sy maandvergadering voorgele.

Lulgends die brief is die motief van die skoolwapen van die skool vaderlandslike.

Die skoolkomitee het dus eenparig op die nuwe naam vir die skool besluit, 'n Afdruk van die skoolwapen word ook aan die skoolraad vir deursending na die Provinciale Administrasie, voorgele.

Die skoolkomitee van die Hoëskool Framesby is ook by die vergadering 'n brief ter tafel waarin die komitee aansoek doen vir die vergroting van die skoolgebou met minstens agt gewone klaskamers.

Die skool kan op die oomblik net 600 leerlinge huisves. Die komitee noem in die brief verskeie syfers om te toon dat die skool binne die eersvolgende vyf jaar so klein sal wees.

In 1968 was daar 118 leerlinge by die skool. Vanjaar is daar reeds 44 meer. Die komitee bereken ook dat daar in 1970 om en by 800 leerlinge in die skool sal wees.

Die komitee doen by die vergadering ook aansoek om vergroting van die huidige skoolterrein. Die huidige terrein van 6½ morg is volgens 'n brief aan die skoolraad, heeltemal onvoldoende.

HOË SKOOL FRAMESBY / HIGH SCHOOL
PORT ELIZABETH



AMPTELIKE INWYDING / OFFICIAL OPENING

Dr. G. J. J. Smit, SGO/SGE

Vrydag, 14 April 1967 / Friday, 14th April 1967



Mrs. Henrie Visser, vrou van die skoolhoof van Hoëskool Framesby in Port Elizabeth, mnr. D. J. Visser, ontlaai hier die geskenkplaat in die voorportaal van die skool tydens die skool se amptelike opening Vrydagavond. Mrs. Visser staan by en kyk. Die plaat was gesend vanaf mnr. Dr. G. J. J. Smit, Superintendent-gesag van die Onderwyseronderskeid, die deur van die skool oopgesny het. (Foto: J. S. N.)

home sweet home



Ziningi
Giftware & Home Décor

**Visit us for Gifts and Home Décor
made in South Africa.**

We specialise in custom made gifts.

Services include :

- Lazer cutting**
- Vinyl cutting**
- Personalised gifts**

Shop 43 Sunridge Village shopping centre

Tel : 081 719 9563

Email : ziningigifts@gmail.com